

民國文獻資料叢編

近代
人物年譜
輯刊

國家圖書館出版社 整理

國家圖書館出版社



國家圖書館出版社 整理

近代人物年譜輯刊

第十四冊

國家圖書館出版社

第十四冊目錄

抑齋自述七種(病中歲月丁編)	王錫彤編	一
抑齋自述七種(病中歲月戊編)	王錫彤編	二〇七
王筱汀先生年譜一卷	童坤厚編	三五九
唾菴年譜一卷	郭敬安編	四七七
自述錄一卷	鈕澤晟編	五一五

病中歲月 丁編

抑齋自述之七

中華民國二十五年丙子七十一歲

一月元日嗣是每日睡極晚起亦極晚在牀上飲水飲麪湯飲

豆腐漿完全老態需人祇應 看張君房雲笈七籤 四部叢刊

看方望溪周官析疑 看梁昭明太子集昭明之文美矣抑天

下何時也中原陸沈夷戎互噬蕭氏父子微倖一朝竊據偏隅

晏然自以為佛菩薩復出也侯景小子從而生心江漢餘黎飽

膏狼虎之吻豈但不度衆生抑且陷斯民於阿修羅內哀哉

二日舊俗臘八日供粥今日為乙亥十二月初八日命煮果粥

供 祖考前拈香 趙位西內弟聞其妻病亟欲南返因飭僕

為購車票並兌敬勝號錢以備不測 看段柯古成式酉陽雜

俎湖北先正遺書

看資治通鑑 看蔡中郎邕集四部叢刊原板

太草率訛錯亦多商務印書館以為明板而景印之敝帚之珍
矣

三日四日看陸士龍雲集四部叢刊 仲來 看周易折中 邀

汪堯民診脈改方

五日舊曆十二月十一日 先太夫人忌日以肴饌果品奠薦

看淮南子四部叢刊 看王魯齋柏集續金華叢書

六日仲回北平 李勉之來談 看亡友嚴範孫使黔日記

七日昨夜因一日兩瀉頗狼狽睡亦不耐天明飲水後漸能睡

十二鐘下牀未瀉延汪堯民診脈改方 袁雲臺來談 看郝

蘭皋懿行詩問 看王與之同祖學詩初稿續金華叢書 看孫

夏峯先生四書近指

八日夜睡漸好 接張中孚書並中州先哲傳一部 看鄺道

元水經注四部叢刊 看船山先生尚書稗疏 看徐悔齋師文

集 看張君房雲笈七籤四部叢刊 看四庫全書總目 裕訢

兩孫自北平回宅帶有周緝之贈聖喆學粹前後編

九日舊曆十二月望以果品時食供獻 祖考拈香 邀汪堯

民診脈改方 看寒山子詩附拾得詩四部叢刊 寒山拾得僧也

所言多老莊之旨自是沮溺楚狂之流唐初沿南朝高士餘波

託於佛耳

十日看豐干禪師錄仍錄拾得詩與寒山子大同小異又天台
山國清禪師三隱集記 看江文通淹集四部叢刊 朱熹辰母

梅太夫人壽九十一前日告終挽之以聯曰 有子為碩學通
儒經訓親傳柏視清風承一脈 唯母登期頤上壽典型遽杳
蓼莪餘痛劇千秋 看慈受深和尚擬寒山詩又重修政和經
史證類備用本草均四部叢刊

十一日至十三日看李太白詩文集四部叢刊 看徐見心鈞史

詠詩集續金華叢書

邀汪堯民診脈改方用龍膽草四分余猶

以為少比服之甚苦覺藥力大矣夜睡頗酣耳根疼亦輕惟精

神差飯亦厭食未敢再服 看淮南子刺取古來言治道者孔
墨申韓治為一鑑豈不言之有理然天子在上藩王日日講求
治天下之道縱無伍被之告亦恐不免故儒者之道以正心修
身為治國平天下之本心不外馳貴人可以保位貧士亦以保
身 看中州先哲傳名臣首列宋權殊愕然清史已列入貳臣
傳也次則張鼎延傅景星李際期王應昌劉達吳寧昌劉昌梁
雲構許作梅皆貳臣也若陳棐蘇文樞李實秀李嵩陽董篤行
陳煥蘭挺達則明舉人清進士似可少寬通列為一究不免啟
人議論余嘗謂明臣之仕清如貞婦白頭失節清臣之入民國
如妓女從良或吾種族之見太深乎 看尚書注疏家藏舊本

看周禮注疏

十四日至十八日便蒞邀汪堯民診脈改方 看呂新吾先生

閏範 潘鳧老新刻送者

看儀禮義疏雖名欽定方望溪實主稿

與他欽定書不同

看駱右丞賓王集四部叢刊

看翁覃谿方

網禮記附記畿輔叢書

看宗喀巴顯密修行次第科頌四川僧

能海講演之本西藏佛學也 看船山先生尚書引義三代以

上之學僅存尚書船山以之曲鬯旁通發揮盡致誠大文也唯

云立相即立儲則啟天下不任相之謬非所以為教也夫古之

天子由諸侯而推有大德者為天子則天子之命相自不能不

推大德其相繼而為天子者乃天下之所歸非由相而致也船

山之意得毋以明太祖之不任相而為此迴護乎 看曹子建

植集王子安勃集俱四部叢刊 看方嚴南風存雅堂遺稿續金

華叢書 看杜少陵詩集四部叢刊

十九日至二十二日如廁又用西醫潤法邀汪堯民診脈改方

看四庫書目提要 看李公煥箋注陶淵明集四部叢刊 看

船山尚書引義講經石破天驚幽窗之下可以解悶 看姚仲

寶永樸歷代聖哲學粹前編周緝之刻送 看郝蘭皋詩經拾遺

看陳伯玉子昂集徐孝穆陵集俱四部叢刊 孝穆依草附木以

文丐食者文特雄健映麗讀之使人心愛

二十三日看于介翁石紫巖詩選續金華叢書 看王子安集子

安文中子之孫福時之子家學具有淵源而耽於文辭奔走衣食仰面千人致為裴行儉所輕賤豈不負家聲哉 看孫夏峯晚年批定四書近指 是日舊曆除夕 祖考神位前行禮兒孫以次行禮分給歷歲錢

二十四日即丙子年正月初一日先於夜一鐘後向 祖考神位行新年拜奠之禮兒孫隨後行禮早再拈香諸戚友拜年皆不見惟薌珊公子及郭靖洲小洲父子王銘三見面 午燕春酒 晚趙利廷自河南來葬母事畢

二十五日至二十八日做往北平祭其母墓 每日拈香 祖考設供 看郝蘭皋禮記箋 看範孫使黔日記在清時翰林

盼放學試差如飢兒之望哺黔雖瘠苦然學政有固定之棚規
出試沿途均有支應又適值拔貢年贊敬貢單均有收入乃範
孫差竣回里後書借券假八千緡又兩千金彌補虧空幸而僅
一任學差也若至督撫不知又須虧空若干清之官祿無一足
養其廉者幸而範孫家不貧可以借貸若出於寒畯借貸無門
欲不額外搜求得乎閱之使人生懼 看顏魯公真卿集四部
叢刊

二十九日黎明大雪十二鐘猶未已此為舊曆正月初六日我
家舊例新正五日後仍每日於 祖考前拈香過元宵節乃止
余今年循此例自今日起每日仍拈香供果品 看呂公甫

竹谿稿續金華叢書

三十日三十一日看夏峯晚年四書近指夏峯本講心學以舉世方重朱子故所作之書極力攏合朱子此書絕不調停當時未刊出後人搜得故人以為晚年 做兒自臥佛寺回宅 和清常裕昆來

二月一日舊曆正月初九日 先太高祖生辰以酒食果品致薦 太高祖為吾家清初立基業之祖亦一家之后稷也以禮論雖在遞遷之世然不惟吾家不能忘即鄉里猶有稱述故忌辰之祭雖不行今年特行生辰之敬仿古人有功德則祀之義看鮑明遠 照集四部叢刊 看雷學淇校輯漢宋衷世本注 幾

輔菴書

看方望溪周官辨

二日舊曆正月初十日 曾祖妣忌辰以酒食果品致奠 看
船山詩經稗疏 看陳伯玉集伯玉抱雄才不止文士也然欲
媚武氏以售其才則躁進矣世謂伯玉以巨價購古琴碎之出
所作以示人因而得名事之有無不可知本傳不載其急於要名之心
實不免也

三日四日延和清常裕昆並教讀于先生早飯享昨日昨 看
方望溪喪禮或問 看夏峯書經近指 看楊盈川炯集庾子
山信集俱四部叢刊

五日舊曆正月十三日立春祭 先祖祭品以烤牛羊豕肉及

雞鴨等並山海珍品及各種果品較常祀略豐然未合先王之禮也 看李荃陰符經疏唐以老子為始祖故一代君臣咸好神仙即名公卿如顏魯公李鄴侯名士如李太白張志和均不免惑於此李荃注孫子又注陰符經其文簡而要不可謂非好學者此疏乃託於黎山老母所授則自穢其書四庫提要譏之是矣

六日至八日舊例元宵節自十四至十六日均早晚拈香十五供酒席十六供糖圓餃子今一循故事 看吳立夫萊淵穎集

續金華叢書

看亢倉子

湖北先正遺書

文氣不類周秦世皆作代

民作人或唐人為之耶

看李淳風等注周髀算經

四部叢刊

九日舊曆正月十七日 高祖考忌辰以肴饌果品致奠 看

張說之說集四部叢刊

十日十一日看船山詩經稗疏船山之書讀之使人鼓興反悔
讀之之晚 看雲笈七籤道家亦說戒殺生戒飲酒而洞賓獨

以飲名母亦若佛中之濟顛乎抑張君房援佛入道乎 看劉

繼莊獻廷廣陽雜記畿輔叢書雖滿漢雜載而間紀永曆年及永

曆諸祥瑞北方人未忘明也 劉序泰字岱東山東博山人清

之季年余協理北京自來水公司招考學徒應試者二百餘人

拔岱東第一派公司練習定章三月內不給薪水三月後月給

二元滿三年月給八元名為額外繕校余愛其書算峻擢至司

事家弟與三以道尹分陝西來京公幹領公債數百萬約公司
同人協同點驗岱東獨負全責家弟奇賞之比派宋家川權稅
遂調以往未一年陝西變作適弟婦病沒里舍弟倉皇歸岱東
獨肩其任公私交代清結並陝寓一物不缺完全挈歸其忠信
可託如是余仍復其公司原職且加薪焉嗣余辭自來水職岱
東游陞總稽查家弟旅北平往來益密近年來屢見其清癯知
其病矣昨赴來已於去臘逝世年纔四十有六為之慘怛挽以
聯曰 筦庫亦需才鵬翼垂天中道折 椿菌都是命鵲啼落
日朔風涼

十三日至十六日邀汪堯民診脈改方 看謝宣城脍集四部